




Wie ze Wormze widerfaget.

XV. Auenture.

In dem vierden morgen. zwen vnt drizzech man.
sach man ze hove riten. do wart ez kunt getan.
Gunther dem vil richen. im wære widerfeit.
von lvoqe erstunden frowen. diu aller grosisten leit.



Verloep si gewinnen, si solden for gan.
vnt iahen das si wären, die Liodegers man.
den e' da het betwungen, diu Sivrides hant.
vnt in ze gisfel brahte, indaz Gunthers lant.

Die boten er do grozte, vnt hiez si sizen gan.
ir einer sprach dar vnder, herre lat uns stan.
vnz wir sagn diu märe, die io enboten sint.
ia habt ir zevinde, das wizzet manich moter kint.


Io widersagt Liodegast, vnt Liodeger.
den ir da wilen tatent, diu gremlichen fer.
die wellent zuo ziv riten, mit her indizze lant.
do begunde zurnen Gunther, als ob ez wære im vnbechant.

Man hiez die trogenäre, zen herbergen varn.
wie chunde sich Sivrit, do da vor bewarn.
er oder ander iemen, das si trugen an.
das wart sieder in selben, zegrozem leide getan.

Der kunic mit sinen frivnden, rönende gie.
Hagene von Tronege, in nie gerowen lie.
noch heten ez gescheiden, gnwoege skuniges man.
done wolde Hagene, nie des rates' abe gan.

Eines tages Sivrit, si rönende vant.
do begunde vragen, der helt von Niderlant.
wie get so trovekliche, der kunic unt sine man.
das sol ich immer rechen, hat im iemen iht getan.

Do sprach der kunic Gunther, mir ist von schulden leit.
Liodegast unt Liodeger, di hant mir widerseit.
si wellent nu offenliche, riten in min lant.
do sprach der degen chüne, das sol diu Sivrides hant.



Wol nach iweren eren. mit vlize vnderstan.
ia getvn ich den degenen. als ich han e' getan.
ich gelege in wste. ir burge vnt och ir lant.
e' das ich erwinde. des si min houbet iwer pfant.

Ir unt iwer rechen. ir sult hie bestan.
vnt lat mich zwo zin riten. mit den vnt ich hie han.
das ich iw gerne diene. das laz ich ouch gesehn.
do begunde im Gunther. darombe groz genade iehn.


Do schichten sie die reise. mit den knechten dan.
Sivride unt sinen degenen. zesehn ez was getan.
do hiez er sich bereiten. die von Niderlant.
die v; erwelten degene. die sohnten stritlich gewant.

Do sprach der herre Sifrit. min vater Sigemunt.
ir sult hie beliben. ich chvom inkurcer stont.
git uns got gelucke. her wider an den Rin.
ir sult bi dem kunige. hie vil vroliche sin.

Div zeichen si an bunden. also si wolden dan.
do waren da genuge. Gunthers man.
dine wessen niht der märe. wa von ez was gesehn.
man mohte groz gefinde. do bi Sivride sehn.

Ir helm vnt och ir prünne. si bonden vf div march.
do wolde von dem lande. vil manich reche starch.
do gie von Tronege Hagene. da er Chriemhilde vant.
vnt bat im gebn verloop. si wolden romen das lant.

So wol mich sprach do Chriemhilt. das ich ie gewan den man.
der minen lieben frivnden. so tar vor gestan.
also min herre Sivrit. twot den frivnden min.
des muoz ich hohes motes. sprach div kuniginne sin.



Vil lieber friont Hagene. nu gedenchet an das.
das ich iu gerne diene. vnt nie noch wart gehaz.
des lazet mich genießen. an minen lieben man.
ern sol des niht engelten. hab ich Prunhilde iht getan.

Das hat mich sit gerowen. sprach das edel wip.
ouch hat er so zerblowen. dar umbe minen lip.
das ich ie beswarte. ir mit rede den mvot.
das hat vil wol errochen. der helt chune vnt guot.

Ir werdet wol gefrionde. her nach disen tagen.
Chriemhilt liebiv frowe. ia sult ir mir sagen.
wie ich iu moege gedienen. an Sifride iuerm man.
das twon ich frowe gerne. baz ihf niemen gan.


Ich wär an alle forge. sprach das edel wip.
das im niemen näme. instorme sinen lip.
ob er niht volgen wolde. siner vber mvot.
so wär ouch immer sicher. der helt chüne vnt guot.

Do sprach aber Hagene. frowe habt ir wan.
ob man in moege versniden. ir solt mich wizen lan.
mit wie getanen listen. ich das svel vnderstan.
ich wil im zehvot. immer riten vnt gan.

Si sprach du bist min mag. sam bin ich der din.
ich bevillhe dir mit trüwen. den holden wine min.
das du mir behotest. den minen lieben man.
si seit im kundiv mäere. das bezzer wäre verlan.

Sie sprach min man ist chvone. dar zu storch genvoch.
do er den lintrachen. an dem berge slooch.
da batte sich indem blvot. der reche vil gemeit.
da von in sit instvremen. nie dehein wafen versneit.

A. Engel



Doch so han ich forge. swenner instorme stat.
vnt vil der gere schuzze. von rechen handen gat.
daz ich da verliefe. den minen lieben man.
hey was ich grozzer leide. dicke umbe minen frivnt han.

Ich meldez vf genade. vil lieber frivnt dir.
daz du dine triwe. behaldest ane mir.
da man da mach verhowen. den minen lieben man.
daz laz ich dich wol hore. dest vf genade getan.


Do von des trachen wunden. vloz daz heize blvot.
vnt sich dar inne badete. der chüne reche gvot.
do gehaste im zwischen herten. ein linden blat vil breit.
da mac man in verhowen. des ist mir sorgen vil bereit.

Do sprach der ungetriwe. vf daz sin gewant.
ne't ir ein kleines zeichen. mit iwer selbes hant.
wa ich in sole behuten. daz ich daz mvge verstan.
si wanden helt do vristen. ez was vf sinen tot getan.

Si sprach mit kleinen siden. nā ich vf sin gewant.
ein tougenliches cruce. da sol helt din hant.
den minen man behveten. soz an die herte gat.
vnt er instarchen sturmen. vor sinen vianden stat.

Daz ton ich sprach do Hagene. vil liebv frowe min.
do wande ovch des div frowe. ez solde ir frvom sin.
da mite was verraten. der vil chune man.
veloup nam do Hagene. do gie er vroliche dan.

Daz er revan hete. bat im sin herre sagen.
mvget ir die reise wenden. so suln wir riten iagen.
ich han nv gar div märe. wie ich in gewinnen sol.
mvget ir nv daz gefüge. daz tvon ich sprach der kunic wol.



Des kuniges ingesinde. was alles wol gemvot.
ich wän immer rechen. deheiner mer getvot.
so grozer meinrete. so von im ergie.
do sich an sine triwe. Chriemhilt div kuniginne verlie.

An dem dritten morgen. mit tofsint siner man.
reit der herre Sivrit. vröliche dan.
er wande solde rechen. siner fründe leit.
Hagene im reit so nahen. daz er geschowet div kleit.


Als er gesach daz pilde. do schieter tougen dan.
die sagten ander märe. zwene siner man.
daz vride habn solde. Gunthers lant.
si het der herre Kivdeger. zo dem kunige gesant.

Wie ungerne Sivrit. do hin wider reit.
ern getätes kuniges uinden. eteslichiv leit.
wande in vil chyme erwanden. die Gunthers man.
do reit er zo dem kunige. der wirt im danchen began.

Uw lon iv got des willen. frivnt Sivrit.
daz ir so willechlichen. tvot des ich ivch bite.
daz sol ich immer dienen. als ich von rehte sol.
vor allen minen frivnden. so getrowe ich iv wol.

Uw wir der hereverte. ledie worden sin.
so wil ich iagen riten. von Wormez vber den Rin.
vnt wil kurcewile. zem Otenwalde han.
iagen mit den hunden. als ich vil dicke han getan.

Allen minen gesten. den sol man daz sagen.
daz ich vil frvo rite. die mit mir wellen iagen.
daz si sich bereiten. die hie wellen bestan.
hoffehen mit den frowen. da si mir liebe getan.



Do sprach der herre Sivrit. in herlichem site.
swenne ir iagen ritet. da wil ich gerne mite.
so solt ir mir lihen. einen svochman.
vnt eteflichen brachen. so rite ich mit ir inden tan.

Bedurfet ir niht eines. sprach der kunic zehant.
ich lihiv welt ir viere. den wol ist bechant.
der walt vnt ovch die stige. swa div tiere hine gant.
die ivch vrwise. nach vns riten niht enlant.

Do die vil vngetriwen. vf geleiten sinen tot.
si wisten; al gemeine. Giselher vnt Gernot.
wolden niht iagen riten. ine weiz durch welhen nit.
daz si in niht en warden. idoch eracneten si; sit.

